

**Գեղարքունիքի մարզպետ Կարեն Սարգսյանի շնորհավորական
ուղերձը Երիտասարդության միջազգային օրվա կապակցությամբ
12.08.2025**

«Սիրելի՛ երիտասարդներ,

Շնորհավորում եմ ձեզ Երիտասարդության միջազգային օրվա կապակցությամբ:
Այս օրը նշանավորում է երիտասարդության դերը մեր հասարակության կայացման,
զարգացման և առաջընթացի գործում: Դուք՝ երիտասարդներդ, Հայաստանի
վաղվա օրն եք, դուք եք պետության զարկերակը, նորարարության և ստեղծագործ
մտքի հիմնական շարժիչ ուժը:

Մեր մարզը հպարտ է իր ակտիվ, ուսյալ ու հայրենասեր երիտասարդներով, ովքեր
իրենց եռանդով, մտահղացումներով ու նախաձեռնություններով նոր լույս են բերում
համայնքների զարգացման ու հասարակական կյանքի տարբեր ոլորտներում:

Ձեր ծայնը կարևոր է, ձեր մասնակցությունը՝ անփոխարինելի:

Մարզպետարանի կողմից շարունակելու ենք աջակցել ձեր նախաձեռնություններին,
խթանել երիտասարդական քաղաքականությունների իրականացումը և ստեղծել
հնարավորություններ՝ ձեր գաղափարներն ու տեսլականները կյանքի կոչելու
համար:

Թող այս օրը ոգեշնչի ձեզ ավելի համարձակ քայլերի, թող ամեն օր լինի նոր
հնարավորություն՝ սովորելու, ստեղծելու և պետության հզորացման գործում ձեր
ներդրումն ունենալու համար:

Մաղթում եմ ձեզ հաջողություններ, անսպառ ուժ, վստահություն և հավատ ձեր
ճանապարհին»: